

## Pars prima de vniuerso

Amplius. Manifestum est tibi quia ipse spiritalis passiones siue affectiones cuius vehementes fuerint mortem corporis inducunt. sicut sunt amor et odium, ira, tristitia, dolor et gaudium et cetera homini. Cum igitur incomparabiliter vehementiores atque fortiores sint amor et gaudium in statu illo glorie quam possint esse hic vehementia autem et fortitudine sua extinguunt vitam corporis qualis est hec. Impossibile igitur est ut eas passiones sustineat vita futura corporis humani in statu illo glorie nisi fuerit incomparabiliter fortior quam sit hic. Non erit igitur morte vincibilis aut superabilis. Necessarium enim est omnes duas vitas corporales morti corporali obnoxias siue ea vincibiles compabiles adinuicem esse fortitudine. Declaratio autem homini est hec quod non est necesse est eas esse aut equales fortitudine, et tunc manifeste compabiles aut alteram alteram excedere. Quod si altera altera excedit aut finitè eam excedet, et tunc necesse est proportionalem compationem inter eos esse aut infinito et tunc erit infinite fortitudinis cum eius fortitudo contineat infinities fortitudinem alterius. Jam enim alibi didicisti omne aggregatum ex infinito tantum sui generis quacumque quantitate demonstrata infinitum esse dubitari non potest ab aliquo intelligente vitam infinite fortitudinis morte posse nullatenus superari.

### De glorificatione corporum.

Ad dam tibi et aliam manifestationem a pulchritudinis similitudine et agilitate hominum glorificationem quantum ad corpora et dicam quia indubitatum est amorem eorumque confortare animas humanas in hoc statu in corporibus suis ut ipsa corpora eis longe leuiora propter hoc videantur et multo leuius ea moueantur quamque et in aliis passionibus ista etiam manifesta sint ut in frenesi et mania hijs eius duabus passionibus laborantes quanto fortius quantoque leuius corpora sua moueantur quam alij homines licet sani ac robustissimi sensu forsitan edoctus es alioquin super hoc sensu poteris edoceri. Neque enim ipsemet quam sani facti sunt ab huiusmodi passionibus vel vincula irrumpere vel homines fortissimos lacerare possent aut ligamentibus se resistere quod eos in ipsis infirmitatibus positos posse videmus. Ad me etiam alibi audiisti quod vires corporales in animabus plurimum siue confortationis et fortitudinis hinc a naturis et passionibus accipiuntur. Quia igitur mille passiones amoris et gaudij que in vita ista habeantur compabiles sunt

ad amores et gaudia future glorie animarum humanarum et hominum necesse est vires motiuas humanorum corporum infinite siue incomparabiles fortitudinis esse futuras ad vires motiuas prout se habent in statu vite presentis. Agilitas igitur corporum glorificationis siue mobilitas super omnem proportionem excedit agilitatem corporum humanorum quam habent hic. Quod si dixerint quod tanta vehementia motiuam tantamque exagitationem sustinere non possent corpora humana. Dico quia sermo iste est hominis etiam corporaliter non videntis. Si enim vere videns esset videret utique in infirmis corporibus predictis passionibus laborantium quatos motus quatasque exagitationes sustineant quam nec sana sustinere valerent. Non attendit et forte apprehendere non proualeat velocitatem motuum celestium quam vix in nostra ymaginatione cadit propter sui magnitudinem. Quod si tamen robur corporibus licet egrotantibus presentantur passiones homini que infirmitates tamen sunt et non vires ac virtutes quod estimare sunt facture amor glorie illius et gaudium quod non solum virtutes erunt imo virtutes perfectissime in vltimitate perfectionis suarum et in actibus suis vltimis intrasmutabiliter stabilite.

Et pulchritudine quoque ipsorum hominum glorificationis que ultra estimationem nostram ex ipsa interna animarum humanarum felicitate augetur sic iudicium est id quod appetit in hominibus in vita ista in vultibus eorum etiam ex modico gaudio cum fuerit in animabus eorum. Vides enim quod inde splendescunt oculi eorum et tota facies gratiori colore suffunditur dilatatur etiam inde tanquam nouo decore atque pulchritudine venustatur. Quia igitur proportionales sunt spiritus cause similes suis effectibus erit ex necessitate pro immensitate futuri gaudij splendor et venustas in facie vniuscuiusque hominum glorificationis.

Amplius, si ex sola bona dispositione anime humane dispositione inquam sine statu naturali tanta reducat in corpus bona dispositio sanitatis et roboris atque mobilitatis siue agilitatis, quanto fortius ex illo statu glorie incomparabiliter modis omnibus meliori, hoc est fortiori copiosiori redundatione redundabit incomparabiliter maior sanitas et agilitas expeditioque omnimoda in corpus humanum, et hoc quidem habet ipsa doctrina christianorum hoc quippe dixit vnus ex sapientibus et doctoribus eorum scilicet quam ex beatitudine anime humane reducat in corpus humanum sanitas incorruptionis. Quia